



Visoki predstavnik i posebni predstavnik EU Inzko se sastao sa Jerkom Ivankovićem Lijanovićem

Visoki predstavnik i posebni predstavnik EU Valentin Inzko sastao se danas u Sarajevu sa predsjednikom stranke «Radom za boljite» Jerkom Ivankovićem Lijanovićem.

Visoki predstavnik i posebni predstavnik EU Inzko i Ivanković Lijanović su razgovarali o trenutačnoj političkoj situaciji u zemlji, ističući potrebu da se ubrza usvajanje onih reformi koje će BiH omogućiti da održi korak sa ostalim zemljama u regionu na putu ka Evropi.

Kao što je to bio slučaj i na ranijim sastancima sa zvaničnicima i liderima političkih stranaka u BiH prije jesenjih izbora, razgovor se također fokusirao i na izbornu kampanju. Visoki predstavnik i posebni predstavnik EU je rekao da političari koji od birača traže novi četverogodišnji mandat moraju ponuditi rješenja za postojeće probleme u zemlji: strategiju za prevazilaženje učinaka ekonomske recesije, otvaranje novih radnih mesta i borbu protiv korupcije.